


李志


華陽國志零本



內閣文庫	漢書
二三八	卷八
二二	冊
二〇	函
二二	架

共四冊

內閣文庫	
番號	漢 2328
冊數	4 (3)
函號	290 168





李志

晉常璩著 蜀郡劉宇曜閱

淺草文庫

李特字玄休畧陽臨渭人也祖世本巴西宕渠賓氏
種黨勁勇俗好鬼巫漢末張魯居漢中以鬼道教百
姓賓人敬信值天下大亂自巴西之宕渠移入漢中
魏武定漢中曾祖父虎典杜朴胡約楊車李黑等移
于畧陽北上復號曰巴人特父慕為東羌獯將特兄
弟五人長兄輔字玄政次特弟序字玄序弟流
字玄通流弟驥字玄龍皆銳驍有武幹特長子蕩字

仲平好學有容觀少子雄字仲雋初特妻羅氏夢雙
虹自門昇天一虹中斷羅曰吾二兒若有先已存者
必大貴雄少時辛冉相當責有劉化者道術士也言
關隴民皆當南移李氏子中惟仲雋天姿奇異終為
人主鄉里人多善之與叔父庠並以烈氣聞人多歸
之既克成都衆皆饑餓驥乃將民入郫王城食穀芋
雄遣信奉迎范賢欲推戴之賢不許更勸雄自立永
興元年冬十月楊驥揚 共勸雄稱 雄遂稱成都
王追尊曾祖庸曰巴郡桓公祖慕隴西 父持景王

母曰太后追謚母父輔齊烈 仲父庠梁武王仲父
流秦文王兄蕩廣漢壯文公以叔父驥為太傅燕兄
始為太保外兄李固為太宰固弟離為太尉從弟雲
為司徒璜為司空嗣武為尚書令驥為僕射發為侍
中珪為尚書洪為益州刺史徐 鎮南王達軍師具
置百官下敕建元太武迎范賢為丞相從弟置流子
也以不陪列誅之賢既至尊為天地太師封西山侯
復其部曲軍征不預租稅皆入賢家賢名長生一名
延久又名九重一曰支字元陪陵丹興人也先熙元

羊雄稱皇帝改元晏平永嘉三年羅兼司琦等殺李
離於梓潼時圖式太雄依離并見殺驥攻不克時李
雲李璜皆戰歿明年文碩殺李固以巴西梓潼為晉
平冠將軍李鳳在晉壽梁州先以為雄所破不守而
離登在涪平西參軍向奮北漢安之宜禍張羅屯平
漢書成焉 逼雄有會無城將張寶弟全在司琦中雄遣
寶反為許以代離寶素山勇先殺人而後奔梓潼
密結心腹會羅尚遣使慰勞琦琦等出送其使寶從
後閉城門琦等奔巴西雄得梓潼拜寶為太尉雄自

攻奮走遣驥攻登初將驥子壽欲以誘驥被攻
急救援不至還驥壽五年春驥獲登遣李始督李鳳
攻巴西殺文碩見雄甥弟任小受張羅募手刃雄
頭雄幾歿改元王衡是後扶鳳鄧芝楊虎等各率流
民前後數千家入蜀以鳳為征北梁州任回鎮南
夷寧州李恭征東南壘荊州皆大將軍校尉刺史雄
驥勤卹百姓於內鳳曰恭拓流民於外稱有功氏符
成隗文既降復叛手傷雄母及其妻也咸釋其罪厚
加待納皆以為將天水陳安屢隴石未降武都氏王

楊茂搜秦貢稱臣杜弢自湘州使、求援晉涼州刺
史張駿遣信交好漢嘉夷王冲遣子質頃之朱提審
炤率民歸降建寧爨量蒙發奉誠其餘附者日月而
至雄乃虛已受人寬和政役遠至邇安年豐穀登乃
興文教立學官其賦民男丁一歲穀三斛女丁一斛
五斗疾病半之戶調絹不過數丈綿不過數兩事少
役稀民多富實至乃閭門不閉路不拾遺獄無滯囚
刑不濫及但為國威儀無則官無秩祿職署李積班
序無別君子小人服章不殊貨賄公行懲勸不明行

軍無號令用兵無部伍其戰勝不相讓敗不相救攻
城破邑動以虜獲為先故綱紀莫稱李鳳在北教有
戰降之功時蕩子雄屯晉壽害其功大興元年鳳以
巴西叛驥討之久住梓潼不敢進雄自至涪驥遂斬
鳳以壽代鳳以知州征事二年驥代越雋又分伐朱
提二三年獲太守西夷校尉李釗夏進攻寧州大敗
於螳螂還初氏王楊茂搜子難敵堅頭為劉曜所破
奔晉壽晉壽子將李稚蕩弟二子也受其賂遺不送
成都曜既引還稚遣難敵兄弟還武都遂即叛稚、

悔失卧連白雄求伐氏雄許之羣臣多諫雄不從遣
稚兒瑋以侍中領軍統稚攻難敵由白水道壽遣
田稚弟珩由陰平入二道討氏難敵等先拒壽珩
壽不進而瑋稚徑至下辨以深入無繼大為氏所破
稚瑋皆歿者千餘人稚深自咎責以謝百姓瑋傷
之元子有名望志尚雄欲傳以後嗣甚痛惜之稚妻
任無子養瑋弟班為子稚自有庶子十五人羣臣
立嗣稚曰孫仲謀割有江東伯符基兆子止侯爵回
志恥之宣公舍子立弟君子以為知人吾將殫逢國

志之恥以繼宣公之美驥典司徒王達諫以為不可
稚不從永昌元年冬立班為太子驥泣曰亂始於是
矣泰寧元年越嵩斯叟反攻圍任回及太子李謙道
其征南費黑敵之威和元年夏斯叟破二年謙移郿
氏於蜀三年冬驥歿追贈相國謚曰漢獻王壽以喪
還拜珩征北梁州代壽以班行撫軍將軍修晉壽軍
屯五年拜壽都督中外諸軍大將軍中護軍西夷校
尉錄尚書總統如驥冬壽率征南費黑征東任邵伐
巴東至建平監軍毋丘奧退保宜都六年春壽還遣

任邵屯巴雄以子越為車騎在廣漢牀壽伐陰平冬
城涪縣七年秋壽南征寧州以費黑為司馬與邵攀
等為前軍由南廣入又別遣任回子調由越為冬十
月壽黑至朱提朱提太守董炳固城寧州刺史尹奉
遣建寧太守霍彪大姓樊深等助炳時壽已圍城欲
逆拒之黑曰料城中食少霍彪等雖至齎糧不多宜
令人入城共澗其穀猶嫌其少何緣拒之彪等皆入
城久不下壽欲急攻之黑諫曰南道儉俗好反亂
宜必待其詐勇已困但當日月制之全軍取勝以來

有余濶宇之物何足汲也壽必欲戰果不利乃悉
以軍事任黑八春正月炳彪等出降咸震十三郡
三月刺史尹奉奔州委質遷奉於蜀壽領寧州南夷
初平威禁甚肅後轉凌掠民牀建寧州民毛衍羅屯
等反殺太守邵攀梓潼太守謝恕奉郡為晉壽破之
九年春分寧州置交州以霍彪為寧州建寧樊深為
交州刺史封壽建寧王張駿使參軍傅穎治中張
遺雄書勸太尊號稱藩於晉雄引見謂曰吾過為士
大夫所推然本無心於帝王也貴州將令行河沙常

所希進思共為晉室元功之臣退思共為守藩之
將掃除氛埃以康帝宇而晉室陵遲德聲不振引領
東望有年月兵會獲未既情在闇至有何已、穎淳
以為然使聘相繼巴郡嘗告急云有東軍雄曰吾常
慮石勒跋、侵逼瑯琊以為朕、不圖乃能奉軍使
人欣然雄之雅談多如此類三月壽還夏六月癸亥
雄疾病卒時年六十一偽謚曰武帝廟稱太宗凡自
立三十年冬十二月丙寅葬成都莫號安都陵也
班字世文蕩弟四子也少見養於雄年十六立為大

子好學愛士每觀書傳謂其師友天水文、隴西董
融等曰吾見周景王太子晉魏太子不吳太子孫登
文章鑒識超然卓絕未嘗不有慙色何古人之難及
乎進止周旋動於密伺但性輕躁失在田獵甲子藝
僅珩未奔喪勸遣雄子越還江陽而歎令朝代已知
北事班以未葬不許遣珩還涪冬十月癸亥朔越殺
班於臨、次并殺班仲兄領軍都弟珩奔晉朔偽謚班
曰戾太子壽追謚曰哀皇帝子出顯為期所殺班兄
弟五人皆兵、歿四人無後珩在晉歷巴郡襄陽宜都

太守龍驤將軍永和三年從征西於山陽戰歿也
期字世運雄弟四子也母冉賤雄妻任養為子少攻
學問有容觀雄時令諸子各募合部曲多者纔得數
百人而期獨得千餘人為安東將軍雄亡越自江陽
味卦表兄弟快也既以班非雄所生又慮珩不利已
與兄越密謀首班太史令韓豹上言宮室有陰謀兵
氣戒在親戚班不悟遂因夜哭越殺班期自立以越
為相國與壽并錄尚書事進壽大都督徙封漢王使
討珩於涪封越建寧王以仲兄霸為中領軍鎮南弟

保鎮西、夷校尉汶山太守從兄始征東代越皆大
將軍珩走即拜壽涿州知北事咸熙元年春正月立
妻閻氏為后下赦改元玉恒妹以司隸景騫為尚書
令征南賈黑為司隸班勇羅演為僕射曹羅演與漢
丞相天水上官澹謀襲期立班子幽謀泄殺澹并誅
班母羅珍子礮稚妻谷二年忌從子載多才藝託他
事誅之而霸保皆暴病歿於是大臣自疑骨肉不相
親而期志益廣忽慢公卿改刑失錯四年夏四月壽
自涪還襲期假以誅越騫為言越請散財募士格戰

期謂壽不自薄不許既誅越壽初廢期為邛都縣公
五月乃殺期及誅李始等殺兄弟十余人期死時年
二十四謚曰幽 五年徙其妻子於越為執 使人
就越為誅其子

壽字武考有幹局愛尚學義志度少殊於諸子雄奇
之自代父為將志在功名故東征南伐每有効事雄
疾病侍疾左右左右侍臣造雄顧余寄託於壽期之
殺班也李始初欲附壽圖其討期壽不敢始怒說期
取壽禪李珩在北欲藉壽討之故許壽既受漢封北

伐珩告以太就利害 道故珩得出巴順水東下
壽雖代珩鎮涪歲終當入朝覲常自危嫌 造漢中
守將張斗急書告方外寇警咸康二年冬北入漢中
破走司馬勲壽見期越兄弟十余人年方壯大而乎
十有強兵懼不自全教聘余高士巴西龔壯 雖不
應恐見害不得已教見壽時岷山崩江水竭壽緣劉
向之言而惡之每謀壯以自安之術壯之父及叔皆
為特所殺欲假手報讐未有其由因說立事何如余
小從大以危易安用固裂土長為諸侯名高桓文勲

流百代其壽從之陰與長史畧陽羅恒巴西解思明
共謀據成都為晉稱藩會養弟攸從成都病還攸
中乃佯言越華殺之又詐造妹婚任調書言期越當
廢壽以惑羣下羣下信之乃誓文武許賞城中資財
得數十人南攻成都子輒為閉門內應遂獲期越誅
其宗族十余人兵入虜掠民家汝涪雄公主及李氏
諸婦多所殘害數日廼定恒與思明及李奕王利等
勸壽稱鎮西將軍益州牧成都王以壯為長史告下
又勸令送期於晉任調典司馬蔡興侍中李 及張

列等勸壽自立壽亦生心遂背思明所陳之計稱
皇帝尊父驥曰獻帝母咎氏曰太后下赦改元漢興
以恒為尚書令思明為廣漢太守任調鎮北梁州知
東羌校尉李奕鎮西、夷校尉更代諸郡及卿佐皆
用宿入及巴秦佐省交州以從子權為鎮南、夷寧
州於是成都諸李子弟無復秉兵焉形勢者雄時
臣及六郡人皆斥廢也妹七月李奕從兄乾與大臣
合謀欲廢壽、懼使子廣與大臣盟要為兄弟進李
固為征東荊州移鎮巴郡八月天連陰雨木稼傷損

百姓饑疫草莽臣冀壯上封事曰臣聞陰德必有陽
報故下公理獄高門待封伏惟獻皇帝寬仁厚惠宥
罪甚衆靈德洪洽詎鍾陛下陛下天性忠篤愛道建
節志齊周霍誠貫神明而志緒違理顛覆顧余管蔡
既興讒訣滋蔓大義滅親撥亂濟危上指星辰昭告
天地歎血盟衆奉天應人悅白魚登舟霆震
助威烈風順神誠允暢日月光明而論者未喻權
時定制淫雨汜漬垂向百日禾稼損傷加之饑疫百
姓愁望或者天以監示陛下又前日之舉止以收禍

下至心本無大旨而今久不獲天下之人誰復分
明知陛下本心者哉且玄宮之讖難知而盟顧違
一旦疆場有急內外騷動不可不深思長久之策
為子孫之計也愚謂宜遵前盟誓結援吳會以親天
子彼必崇重封國歷世雖降階一等永為靈德宗廟
相承福祉無窮君臣銘勲於上生民寧息於下通天
下之高理弘信慎之美義垂拱南面歌詩興禮上典
彭韋爭美下典齊晉抗德豈不休哉論者或言二州
入附晉必榮六郡入事之不便昔豫州入蜀荆楚人

貴公孫述時流民康濟及漢征蜀殘民大半鍾鄧之
役放兵大掠誰復別楚蜀者乎論者或不達安固之
基惜其名位在昔諸侯自有卿相司徒司空宋魯皆
然及漢藩王亦有丞相今義歸彼但當崇重豈當滅
刺昔劉氏郡守令長方仕州郡者固以主易故也今
日義舉主榮臣
論也論者又謂臣當
為法正陛下覆臣如天養臣如地恣臣所安至於名
榮漢晉不處臣復何為當侔法正論者或言晉家必
責質任及徵兵代胡何以應之業晉不煩尺兵國

未附威卷四海廣地萬里何任之責胡之在北亦北
之憂今平居有東北之虞縱令徵兵但援漢川猶差
二門耳臣託附深重忘疾病之穢實感殊遇翼以微
言少補明時常懼殞歿不寫愚心辜負恩顧謹進愷
愷伏願罪戮壽不悅然拘前言秘藏之九月僕射任
顯雄妻弟也謀反誅并殺雄子約等五年春二月晉
將伐巴郡獲李闓、恭子也初受許自牛鞞以東土
斷與闓執政者以為不可乃止復不差兵故覆沒闓
弟豔以是怨故與朝右有隙是時壽疾病恒思明等

復議奉晉計尋巴郡破壽以為附晉。當以兵威故不能自斷遂輟計三月拜李奕鎮東代因夏建寧太守孟彥率州入縛寧州刺史霍彪於晉奉建寧為晉遣右將軍李位都討之時權在越雋焮又遣尚書廣漢李曠為御史入南中摠祖毅晉故寧州刺史以向興南人有舊故遣之摠從兄演自越雋上書勸壽歸正返本釋帝稱王壽怒殺之車騎將軍韜為參軍右車騎將軍王韜為參軍九字前後文不相屬不知記何事也今仍舊本存此九字於後以待晉康帝建元三年壽卒執立改元太和太史令韓皓

上言熒惑守心乃宗廟不修之譴執乃更余祀成始祖太宗皆謂之漢執之弟大將軍廣以執魚子求為太弟執不許馬當解思明固請許之執疑與廣有謀收當思明斬之廣自殺思明被收歎曰國之不亡以我教人在也今其始矣思明有智畧敢諫諍馬當素得人心及其死士民無不哀之冬李奕自晉壽奉兵及車騎突門者射殺衆執大赦境內改年嘉寧執驕淫不卹國事中外離心蜀土無獠魯皓切西是南夷別族是始從山出自巴至犍為梓潼布滿山谷大為民患加


以饑饉境內蕭條三年春二月桓溫伐蜀軍至青衣
執大發兵遣督堅等將之督子威切姓也自山陽甄合水諸
將欲設伏江南以待晉兵督堅不從引兵自江北駕
鸞碇渡向犍為碇渠羈切溫自將步卒直指於都督
堅至犍為乃知與溫異道還自沙頭津濟北至溫已
軍於成都之十里陌堅衆自潰執悉衆出戰于笮橋
張音中書監王蝦散騎常侍常璩勸執降執乃夜開
東門走至葭萌使散騎常侍王幼送降文於溫執至
建康封歸義侯李氏自記事至亾六世四十七年

正僭號四十二年蜀中亦有怪異期時有狗交木
冬榮執時涪陵民樂氏婦頭上生角長三寸九三
之又有民馬氏婦姪身兒腹下生其母無恙兒亦長
育有馬生駒一頭兩身相着六耳一壯一牝又有天
兩血於江南教畝許李漢家春米自田中跳出遂歛
於箕中又跳出寫於篋中又跳出有猿居島巢至城
下地仍震又連生毛其天譴不能詳也
誤曰特流粟險害雄能推亾固存遭皇極不見遇
其時與期倡為禍階而壽輒終之詩所謂亂離瘼矣


奚其適歸者也長老傳譙周識曰廣漢城北有大賊
曰流曰特攻難得歲在玄宮自相賊終如其記先識
預觀何異古八乎歷觀前世偽僭之徒幾毒度劉未
有如茲每惟殷人立墟之歎賈生過秦之論也國破
家其監不遠矣

張佳胤曰常璩華陽國志目錄及序志皆云述李
特雄期壽執志則先固有志也今諸本皆無之意
者傳寫脫漏因循不錄遂失之爾今本諸通鑑所
述參以載記所書續成執志用補其闕以俟後之

博洽君子云又史載敬騎常侍常璩實勸李執降
桓溫璩必作志者因續記此云



李志終



文政三年

